

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Pandectae Veteris Et Novi Testamenti Historicae**

**Draud, Georg**

**Francofurti ad Moenum, 1613**

Dvodenarivs qvartvs

[urn:nbn:de:bsz:31-162406](https://nbn-resolving.org/urn:nbn:de:bsz:31-162406)



# DVODENARIVS

QVARTVS,

DE DVODECIM TY-  
rannis.

DE PHARAONE I. TYRANNO

*Rege Ægypti.*



L I M omnes Ægyptii Reges nuncupati à Pharao Insula vetustissima, quæ Alexandria iacet obuersa, quam Prothæum tenuisse quondam Homerus significare videtur. Et sicuti nostra tempestate Imperatores, Cæsares dicuntur, ita quondam apud Ægyptios, quû alioqui singulis cognomé esset, Reges, Pharaones & Pherones vi Herodotus testatur appellati sunt. Hic v. statim ab illius Pharaonis tēporib. cui Ioseph<sup>o</sup> patriarcha seruiuit, imperiû accepit. Tyrannus immanissimus, & inexorabilis, nulli cedēs impietate, & scelere, honesti oppressor, iustorû psecutor, &

Q 2

bre-

breuiter omnis mali scaturigo. Acceperat ex Ægyptiaco quodam sacerdote oraculum, Hebræos puerum habituros, multum regni opibus obfuturum.

Deinde cum videret Iudeos in Ægypto maximum habere prolis incrementum, permotus partim oraculo, partim veritus, ne ab illis opprimeretur, nutrire vetuit omnem Israelitarum stirpem virilem, quæ nasceretur. Capitale futurum edixit, si quis marem tolleret, obstetricibus adhæc indigenis dedit negotium, vt omnia attente explorarent, ne in cuiusquam puerperio fuerit dolus. Et quanquam sedulo præcauere volebat, ne ipse ab Hebræorum interiret gente, tamen ordinationem Dei prohibere nequiuit. Nam Themura eius filia, forte cum æqualibus circa Nilum puellari lasciuia suberrans, inuenit Moysen puerulum à parentibus expositum. Quo educto illa pro suo Pharaone etiam vidente, nutriuit, & vt erat libero ingenio, paternæque indulgentiæ secura, sæpe parenti monitruuit, & vlnis suis baiulauit. Ferunt Moysen paruo diademate à Pharaone coronatum, id insigne inter crepundia arreptum humi afflixisse, pedibusque conculcasse. Acceperunt, qui tum circa regem steterant non sine gemitu id omen. Nec fatidicus sacerdos, qui tum forte aderat, temperare potuit, quin tum quoque regem fatorum admoneret, hunc sibi puerum videri, quem magnam aliquando cladem



dem Ægyptiis illaturum fata portenderent. Territus oraculi voce Pharaon non multum aberat, quin puerum è filia complexibus arptum suis iugulandum tradidisset, sed fatorum necessitate nihil damni Moyfi inferre potuit. Verum cum iam per ætatem adoleuisset, in maximam incidit inuidiam Pharaonis, adeo vt quam occultissima se subtrahere fuga cogere- tur. Pharaon interim Israelitas premere, crude- literque vexare. Nullum erat regia infania o- pus, cui non illi seruiliter admouerentur. Mi- sero illos etiam exercuit odio, & ne gens ab o- pere & aruibus aliquando respiraret, aliqua de industria ineditatus, vt miseram gentem af- siduo torqueret labore. Intolerabile igitur turpeque seruitium cura, & dolor tantus Iu- dæorum animos versabat, lamentari iniquam totius gentis sortem, oculos ad cælum tollere, Numenq; suppliciter precari, ne populus vere pietati addictus impii regis iniuria occumberet. Denique sine intermissione Domini im- plorantes auxilium, per Moysen & Aaronem peroratum est coram Pharaone, vt dimitteret Israelitas, per triduum Numini celebraturos solennia in deserto. Rex pertinaciter recusat & maxima cum ignominia blasphematur; Quid nam & quale Numen illud? scilicetatus. Visit etiam signis contempsit mandatum Domini. imo & suos Ariolos & Magos eadem quæ Nu- men iussit miracula operari. Magicas incanta-

Q 3 tio.



tiones, miracula diuina esse, dixit, neque suis  
 sacerdotib. ignotas. Et aliquot accersitis, quū  
 illi ab initio non nihil præstitissent, Moysen &  
 fratrem cum Deo suo ludibrio tenuit. Quare  
 longe infestior Hebrææ genti, maiori quam  
 vnquam fecerat, seruitio diuexant. Tū Moy-  
 ses ludibrio se cum fratre fieri cernens, vt regis  
 emolliret animum, iubet fratrem, oraculo mo-  
 nitus Nilum virga percutere, quo percusso sta-  
 tim sunt fluminis aquæ in cruorem veræ, vn-  
 de plures dies siti Ægyptii laborarunt. Eo pro-  
 digio Pharaon adhuc magis irritatus, Iudæos &  
 ipsum Numen execrari cœpit. Tum terribile  
 clades aliæ super alias secutæ. Vis primo rana-  
 rum ingens non solū agros, sed & domos ipsas  
 infestissimo agmine obsedit, quibus vulgo  
 morientibus, teter pestilensque odor omnem  
 cœli tractum multa labe infecit. Phitriasis de-  
 inde tabida corpora corripuit, vt neq; balneis,  
 neque medicamento vlllo ab ea sordium iniu-  
 ria miseri accolæ defenderentur. Secutus in-  
 festissimus muscarum incurfus, ignotæ que an-  
 tea bestiarum & locustarum figuræ monstrifi-  
 co aspectu agrestes territare & omni cultu a-  
 gros inuolare. Lenta etiam tabe corpora sua  
 sponte vlcerosa sunt reddita. Deiecta & gran-  
 do est de cœlo, cum tempestate horrenda, ad  
 id tempus ipsi terræ ignota, que lata, fruges, ar-  
 bores, omne pecus miserabili strage consump-  
 sit, obortæ adhuc tenebræ visum mortalibus  
 ade-

ademere. Huiusmodi malis concussus regis animus, nec tamen victus. Aliquoties tantisper ty n nus, dum hæc vel illa remitteret clades, laxandi populi spem fecit Moy si, sed à periculo seuior ad iniuriam consurrexit.

Postremo minatus est se in Moysen capitaliter animaduersum si postularer vterius Hebraeos dimitti. Hic res miranda traditur, nocte vna omnes hominum pecudumque primogeniti percussi ad vnum, & filius ipsius Regis, periire. Tum demum fractis animis Ægyptiorum, Princeps à Rege flagitarunt, vt missam faceret gentem, cuius tot Ægyptus cladibus fuisset paucis diebus affecta. Hic abeundi potestate facta migratum est ab vniuersa gente ex Ægypto. Cœpit populum Moyses per inuia & deserta loca ducere, veritus ne si Regem consilii pœniteret, arreptis subito armis inermem multitudinem persequeretur, eamque aut fœde trucidaret, aut quod calamitosius esset, ad perpetuum retraheret seruitium. Sollicitus igitur per auersa iterum loca ac penè inaccessa duxit, donec triduo ad mare sit peruentum. Nec Moysen fefellit opinio, etenim postquam Phrao à trepidatione & cade illa nocturna paululum respirauit, reputans secum animo, quantũ regni opibus adimeretur, si tãta multitudo hominũ vno tẽpore sua indulgentia, aut inertia potius,



ex Ægypto fugeret, ea quæ acciderant, veluti Magica fraude facta esse credidit, cum subitatio exercita è vestigio insecutus est. Hærebat sterili maris littore trepida multitudo, ingenti mari & montibus interclusa. Hic miraculum ingens fieri (vt effugerent insidias Pharaonis) contigit. Mari virga Moysis percusso, fluctibus in diuersa abeuntibus, patefactum repente est æquor, & populo paratum iter. Moyses omnium primus vada ingressus, a quis hinc inde in murorum speciem stantibus, omnem secum traxit multitudinem. Nec Israelitarum progressus ad mare sefellit hostem. Quare lætabundi eos subsequuti sunt. Et iam cum curribus, & equitibus medio mari Rex & regius exercitus insistentes pugnare volebant, fluctus qui plures horas immoti steterant, regem cum omnibus copiis obruerunt, atq; submerferunt. Hoc pacto crudelissimus ille tyrannus & immanis bestia Deum contumeliis afficiens vitæ finem nactus est.

## DE PHARAONE,

## EPIGRAMMA,

*Durus & immanis Pharaon Rex atq; tyrannus  
 Ægypti, spreuit iussa relata Dei.  
 Seruitio turpi mox Iudeosq; repressit,  
 Perderet hic populus ne sua regna, timens.*

*In fun-*

*Infantes iussit mactari à matre rubentes*

*Et risit cælis impius ille Deum.*

*Correptus quare est panis bis quinq; cruentis*

*Dum non mandatum perficit ille Dei.*

*Prima fit vnda cruor, ranis tegit altera terram.*

*Grexq; venit musca, post genus omne grauat.*

*Interit omne animal quinto, sexto ulcera mittit,*

*Fit tonitru & grando, deinde locusta volat*

*Horribiles crescunt tenebra, postrema necauit*

*Primitias omnis mors violenta suas.*

*Fluctibus æquoreis est mersus, dum fugientes*

*Seclatus curru, milite, principibus.*

## DE ADONIBEZECHO II. tyranno.

**A**Donibezechus, qui & Bezechus, Rex Cezechinorum, homo elato spiritu, & ferocissimi ingenii, Israelitarum fortunam cum Duce Iosua extinctam ratus, sepultamque iacere cum valido exercitu, eos adortus est. Huius conatibus Iudas occurrit, Is vt erat impiger, cum subitanea tribulium suorum manu, & Simeoniæ gentis appendice cum hoste congressus modico illum negotio superauit. Fugit Adonibezechus; Sed captus viuus in hostium potestatem venit, cui Hebraici duces manus & pedes præciderunt. Ferunt illum corpore sæde mutilatum, dicere solitum, id supplicii

Q 5

plicii



plicii se merito expendisse, quod septuaginta olim Reges à se bello victos pari clade affectet, ac sub mensa velut canes reptantes pausset. Memorabile factum tyranni perpetravit hic Rex, quare non incommode inferitur huic collegio. Hierosolymæ vixit captiuus, vbi & mortuus est.

## DE ADONIBEZECEO,

## EPIGRAMMA,

*Bezechus fuerat furibunda mente tyrannus,  
Vnde sui sceleris suppliciumq, dedit.  
Vngues huic victor manibus pedibusq, recidi  
Curauit, vinctus compe deinde fuit.*

## DE EGLONE, REGE MOABITARUM III. tyranno,

**E**glon Rex Moabitarum ferocissimus homo, Israelitas seruitio preffit annos duodeviginti, corpore crassissimo fuit, sua tamen tyrannidis promeritas luit pœnas. Aiothus enim Beniamites, (quem Ehudum alii dicunt) cum Egloni, nomine publico Israelitarum, munera obtulisset, impetu diuino incitatus ad patriam liberandam, magnum animo facinus concepit. Ex itinere nimirum reuersus in regionem, tanquam rem arcanam nūciaturus, cum  
ad E-

ad Eglonem arbitris remotis, sine suspicione admitteretur, manu sinistra quam solam expeditam habebat, regem in conclavi transfuci be-  
rauit, & sicam cum capulo adactam, quã retrahere non poterat, in hominis obesi abdomine reliquit. (quo de paulo infra vberius.) Vnde ab illius seruitio Hebræi liberati, Moabitas prægrandi deuicerunt prælio, iugumque seruitutis à se fortiter remouerunt.

## DE EGLONE,

## EPIGRAMMA,

*Cogere Hebræos Eglon seruire Tyrannus  
Dum fœde, serui concidit ille dolo.*

DE GOLIATHO GIGANTE,  
& IV. Tyranno.

**G**oliathus vir Philistæi generis, immani statura, patriam Gethum habuit, insigni armorum habitu, senum cubitorum & palmam eius fuisse staturam Bibliaca referunt volumina, lorica quinque millium siclorum indutus fuit, ferrum hastæ præfixū siclos habuit sexcentos, id est, drachmas mille & ducentas. Ocreis armatus æreis, & clypeo tectus æreo humeris. Hastile portauit quasi linatorium textentium. Hic maximæ fuit audaciæ. & seueritatis. Cōspicuo nãq; cōstitutus loco, crebro in-  
clamaui



clamauit horrenda vociferatione, paratum se eum quolibet fortissimo Iudæorum ingredi. Monomachiam vero, cum omnes ab eius terrefierent conspectu expetiit, qua, voluit, si vinceretur, (quod minime putabat) Philistæos seruire debere Hebræis, sin contra vinceret, Hebræos perpetuo seruire Philistæis. Ducauit ea prouocatio plures dies, non sine Hebræorum rubore, qui tacita confessione se eo genere pugnandi victos propemodum fassi. Dauid solus rei pecuariz studiosus ex agro ad fratres circa Saulum commorantes profectus, vidit Goliathum ex solita statione progredi, atq; solito more fortissimum quemque Israelitarum prouocare, ad cuius vocem cum mæstum silentium teneretur, Dauid gentis contumeliâ ferendam haud ratus, impetrauit à rege, & principibus militiæ, vt Monomachiam cum tyranno & incircumciso inire liceret. Cæterum iam profectus ad aciem Dauid, Philistæi læticia exultabant, certamque recuperandi regni spem fouebant, ob exilem Dauidis staturâ, & imperitiam virunculi. Dauides collatus cû Goliatho, vt puer septennis, erat initurus pugnam cum viro robustissimo & vastissimi corporis. Goliathus procedebat, & ingens robur spirans, armis egregie instructus, tam certaminum cupidus quam peritus. Dauides contra ingnarus belli, nullis armis nisi pastoralibus indutus puellus iudicabatur. Goliathus venientem

nientem pusillum intuitus, bacillo armatum  
 velut ad canes verberandos fuste duntaxat in-  
 structum horrende intonat, ac risu iuxta atq;  
 conuicio excipit. Nec David immane corpus  
 clamorem ve exhorruit, sed futuræ dimicatio-  
 ni intentus subita fundæ excussione lapidem  
 in tyrannum immisit, quo iactu, casside znea  
 perrupta, caput Goliathi confestim diffusum  
 est. Goliathus cum magno corporis & armo-  
 rum fragore concidisset, ingens lætitia ex me-  
 tu Israelitas inuasit. Contra ingens trepidatio  
 Philistæos cepit, qui pactorum immemores,  
 sine imperio, sine signis effusi passim diffuge-  
 runt, David Golia: hi caput proprio gladio re-  
 secuit, & hastæ affixum in trophæi speciem an-  
 te sacram aram statuit. Gladium autem in No-  
 leano templo reposuit. Arma in suo taberna-  
 culo affixit, corpus vero truncum alitibus &  
 bestiis abiecit in agro. Hoc pacto tyrannusi-  
 pse, & eius audacia pusilli virunculi iactu per-  
 ierunt.

DE GOLIATHO,  
 EPIGRAMMA.

*Grandibus Hebræis armis ad bella vocauit  
 Audax plus æquo, verba superba dedit.  
 Tandem Iessei funda prostratus inermi  
 Occubuit pueri: perdidit atq; caput.  
 Quemq; virum nullus Iudæum tangere nixus  
 Opilio vicit, militiaq; rudis.*

DE



DE SAVLE PRIMO REGE  
Iudæorum, V. Ty-  
ranno.

Saul primus Rex Iudæorum filius Giffi, ex Tribu Benjamin, proceræ staturæ, & miræ fortitudinis adolescens. Israelitis Regem à Numine petētib; Is dum forte à pa. re ad asinos, quia gregē aberauerant perquirendos missus est, in itinere ad Samuelem diuinationis fama diuertens, Rex Israelitarum anno mundi 2870. inunctus est. Ex eo igitur ita vixit, ut omnibus gratus & acceptus diceretur, sed postea Numine laeso cæpit esse tædio, & summo odio. Prima eius belli expeditio fuit in Naam Ammonitem, qui Galadinos Tabitas bello pressit, ut ergo liberi ab hostis essent incursionibus, Saulis implorauerunt suppetias, qui gētis fortuna motus iniqua, liberationem pollicitus est. Quapropter tum temporis aratoriis bobus quos in agro habebat, in aliquot succis partes, eas edicto ad omnes trib. misit, ut quicumq; sibi ad Iordanē eo die nō preſto adessent eadem à se, qua boues illi laniatione afficerentur. Pœnæ metu ex vrbe & agris militari turma excitata, ad trecenta triginta millia armatorū circa ipsū vno die conuenerunt, vbi Ammonitæ magno prælio vincuntur. Ingenti cæde edita in acie, Tabitæ liberati sunt hostili metu. Saulus non contentus hac victoria & Rege

inter-

interfecto, confestim in eandem gentem præ-  
 sente cladi percussam victorem exercitum tra-  
 duxit. Tum Ammonitarum rebus ferro & i-  
 gni contritis cum exercitu onusto præda do-  
 mum regressus. Maior certe & ipse factus ma-  
 gifque conspicuus quam antea fuerat. Secun-  
 dum hanc dictoriam conuentu in Galgalam v-  
 niuersæ genti indicto, iterum est à Samuele Iu-  
 dæorum Rex inunctus. Cum igitur mitis vi-  
 sa fuerat prior Regis declaratio vana, fuissent-  
 que fortasse post victoriam & illi ad supplici-  
 um redacti, qui regem ludibrio habuerant, ni-  
 si Saulus nondum regno stabilito seditionem  
 metuisset; secunda hæc ceremonia non solum  
 firmiter nomen reddidit, sed insignius quoque  
 augustiusque Saulo & futuris regibus impe-  
 rium fecit. Tribus postea militum millibus  
 ex omni iuuentute lectis, duo millia penes se  
 præsidii loco habuit, tertiam partem cum fi-  
 lio Ionatha misit in Gabaan, vt suis populari-  
 bus præsidio essent.

Agebat in Machmas & Bethel, cum Philis-  
 tæi aduersus cum aciem dirigerent. Erat autè  
 Philistæorum maxima multitudo circa trigin-  
 ta millia currum, & sex millia equitum, qua-  
 re Iudæi tantis inspectis copiis maximo sunt  
 terrore percussi; qui erant circa Regem, plæ-  
 rique aut altiores specus meticulosi subiue-  
 runt, aut trans Iordanem occulta fuga sese  
 priori-



proripuerunt. Hunc suorum metum cum maiorem esse cerneret, quam pro autoritate sibi posset, mittit qui celeri cursu Samueli nunciarent, in quo discrimine res Israeliticæ versaretur. Oratus itaque Samuel vt primo quoque tempore suis adesset, quandoquidem omnis spes in suo aduentu cõsisteret Philistæos amolendi, & propellendi. Interea comparat Saul studiose quæ ad sacrificium attinebant. Sed cum omnium spe tardius veniret Samuel, hostias aræ admouit, sacroque vix bene peracto aduenit Samuel, cui ille obuiam progressus ab eodem grauitèr obiurgatus fuit, quod se non expectato rem diuinam facere aggressus sit, qui & diuinitus se scire dixit, Saulum neq; regnum, Numine offenso, obtenturum, cum alias perpetuo obtinisset. Nec Saulus senem flectere potuit, vt secum maneret sed recta vt venerat, ita abiit. Rex anceps inter hæc, cum filio & sexcentis militibus prius Domino consulto in Philistæos irruit, eosque percussit, & fugientes persecutus est.

Hac felici & secunda victoriâ ratus se Deo gratificaturum, prohibuit voto ne quisquam à persequendo hoste desisteret, aut eo die durâte cibum caperet. Patrii edicti Ionathas nescius illud violauit. Saulus animaduertens se parum propitium Numen habere, percipit votum à nonnullis esse violatum. Conuentu igitur indicto, & sorte iactata, cecidit in Saulû & fi-

& filium Ionathan, quem recta ad supplicium trahi mandasset, ni populus intercessione rationem eius habuisset, dum tot Philistæos cū armigero solus trucidasset.

Subegit inde Saulus Ammonitas, Moabitasque, vicit & Idumæos, eo umque Reges tributararios fecit; & nisi Amalechitis pepercisset, quæ gens infestissima semper Hebræis, nūquam regnum amisisset. Nam ibi contra apertum Numinis iussum, pecora, homines & Regem ipsum viuere, quæ penitus extirpare debebat, permisit. Et statim ab eo potentia Dei discessit, quæ illum antea protexerat; Quare Dauid per Samuelem inunctus est Rex. Aperte vexabatur Dæmoniorum incurſu, quem vitare, Dauidem psalterii & hymnorum peritissimum iuuenem ad se vocari & terrores illos cantu leniti passus est; cuius indolem, animique promptitudinem ita demiratus fuit, vt militibus suis illum præficeret maximo fauore.

Cæterum inter puellares cantus innumerasque acclamationes ob victoriam Goliathi, Dauidque decem dicitur profligasse milia. Saulus vero mille tantum. Tacita primum inuidia eius subiit animum, adolescentisque vigorem & præmaturam virtutem secum expēdens, eius successus cepit suspectos habere. Et quia vel perdendus aut per speciem militiæ longe ablegandus, vt bello periret, filiam suam.

R Micha-



Michalem, si centum Philistæorum capita ante regium solium statuisset, vxorem dare pollicitus. Ita demum futuram credere, vt regia puellæ potiundæ studio, subita aliqua ruina occumberet. David assumpta conditione, numerauit conflictu habito capita Philistæorum postulata. Cum nec hoc procedere videret, filio & filia inuigil, vt eum sibi proderent. Sed protegente Dauidem Numine, illa sus & tutus affugit.

Persecutus est & ipsam Saulus multis copiis & plurimis millibus, sed nunquam deprehendere potuit. Crudelius & tyranno dignius facinus non commisit, quod Abimelechum iustissimum & summum sacerdotem, dum Dauidi gladium Goliathi dedisset, vna cum octoginta quatuor sacrificis trucidauit, & urbem Nobeam igni & ferro deuastari iussit. Nec ita multo post vt Dauidem deprehenderet maximo illum quæsiuit apparatu bellico, verû Dauid eo venit, vt & illius lanceam, scyphum, & vestis laciniã abstulerit, nec interficere illum voluerit, quamuis commode potuisset. Quare recolligens animum reconciliatus est Dauidi. Crebro etiam in exilium illum misit & fugauit. Post multas tamen Dauidi insidias factas, ceperunt Philistæi denuo eius fines hostiliter inuadere, ac maximã ad ornare aciem. Saulus audito hostium apparatu, quam diligentissime potuit exercitum conscripsit. Incertus autem hu-

humani consilii inops de belli euētu, ad opem diuinam confugit (nam Samuel quem alias consuluerat, è viuis excefferat) iubet que sacerdotes Numinis voluntatem sciscitari, quibus negantibus vllum è cœlo fauorem adesse, maiore adhuc metu perculsus, in Endorem vrbe proximam cum duobus comitibus ignoto habitu ad anum quandam Necromanticam rei exitum quæsiturus, se contulit, à qua ægre impetrare potuit vaticinium, prædixit autem illi, regem cum liberis in acie occubiturum, domesticumque regnum cum vita finiturum. Tali oraculo petteritus Saulus concidit, diuque sine voce semianimis iacuit, inde comitū precibus, & anus hortatione alleuatus, quum partim dolore, partim ieiunio, quod per diem tolerarat, pedibus consistere non posset, anus victu & eduliis illum recreatum dimisit. Reuersus igitur ad castra, maxima Heroica fortitudinis animi, & re<sup>2</sup>ta constantia, neque credo vllum regum vnquam eo animo fuisse, vt in ea esset castra redire ausus, vel potius in eam descenderet aciem, in qua se & liberos trucidandos oraculo compertum habebat, Maluit fortissimus Rex, cum tōta stirpe interire, quam florentissimas copias hosti sine Duce trucidandas relinquere. Cum itaque ad aciem ventum est, terga dederunt Israelitæ hostium multitudine superati, inde cruentissimum fuit prælium, Saulus incredibili dici-



tur fuisse constantia, vt fatalem necessitatem virtute superant, nullum summi ducis, strenuique militis operam prætermisit.

Multis tandem vulneribus acceptis pugna ferociter ciens occubuit, cum tribus filiis, Ionatha, Aminadabo & Melchise. Cogitasse illum fama est, de morte sibi consciscenda, veritus ne viuus in hostium manus perueniret, quidam putant semetipsum interfecisse, quidam vero ab Amalechita quodam ignaro quis esset, confossum. Cæse sunt cum eo omnes Hebræorum copiaz, præter paucos qui miserabilem cædem effugerunt. Philistæi præsentis victoria elati cadaueribus Saulis & filiorum insultantes, in monte Gelboe, spoliarunt corpora, & Bethsanæ eminentissima murorum parte, patibulo adfixerunt. Iabeseni Galaaditæ iniquo animo ferentes, Israelitarum Regem cum liberis in sepulcrum prodeire muris, silentio noctis Bethsanam irrumpentes corpora Regis & filiorum abstulerunt, ac more patrio cum fletu & lamentatione, atque septem dierum ieiunio ciuibus indicto, omnique ætati & sexui, celebrarunt exequias.

Regnavit annos viginti circiter, inter Israelitas. Perit biennio quam mortuus est Samuel. Omnia quæ is prædixerat, miserabili clade est expertus. Vxorem habuit Achinoen filiam Achimaas. Quatuor habuit filios, Ionathan, Abinadabum, Melchilue, & Hispaalem, duas filias

lias Merob, & Micholem. Nisi crudelitatis sceleribus contaminatum legiffem, haud inter tyrannorum recensuissem numerum, verum tyrannis, quæ plurimum in eo dominata est, ad tyrannorum eum album pertraxit.

## DE SAVLO,

## EPIGRAMMA.

*Cisseides primus regis diademata natus*

*Inter Iudeos fortis & acris homo.*

*Principio felix, prosperrimus, inclutus atq;*

*Sanctus per gratias, clarus ubiq; fuit.*

*Numine sed laeso crudelis multa tyrannus*

*Crimina commisit, numina nulla timens.*

*Perdidit iratus Nobem cum civibus ignis*

*Atq; sacre dotes tradidit ense neci.*

*Dauidem crebro quaesivit percitus ira,*

*Ut vitam perderet, tutus at ille fuit.*

*Ipsam se in repido mactavit pectore bello*

*Quem David patrio condidit in tumulto.*

## DE ARAPHATIDE GETHÆO VI. tyranno,

**H**ic monstruosissimæ traditur ac iousitate fuisse magnitudinis, senos manibus pedibusque habuit digitos, hoc est, viginti quatuor ex gente descendit Araphe Gethæi im-



manissimæ crudelitatis, qui & Israelitas Blasphemis multis affectit. Tandem à Ionatha Bethleemite filio Sammae fratris Dauidis, prælio interemptus est.

DE ARAPHATIDE,  
EPIGRAMMA,

*Magnis sex digitos manibus pedibusq, tyrannus  
Hic tenuit, populum spreuit Es iste Dei.*

DE ACHABO, VII. TY-  
ranno.

**A**CHABVS filius Amri, Regis Israelita- rum, homo super odium pietatis, omni- bus probis, & immensis crudelitibus regi- um nomen contaminavit. Imperium, à patre velut per manus accepit, regnavit anno mundi 3030. quum haud multum regnare coepisset Sa- maria lezabelem Lonabalis Tyrionum Regis fi- liam duxit vxorem, cuius suafu eo infanie pro- cessit, vt super vitulorum cultum, quem à ma- ioribus acceperat, alienos etiam Deos com- plexus sit, passus intra regni sui fines lucos ædi- ficari Idolis, & aras cum sacerdotibus consti- tuit, & in his Baalis templum, quod simulacrum Sidonii colebant.

Ad hunc igitur Helias Thesbites Propheta Dei

Dei venit, à quo est monitus fore, vt ob præsentem impietatem, syderis ardore, longaque cœli intemperie in toto eius regno fruges cum omnibus animantibus absumerentur. Quibus ille minis quum nihil ab impio instituto absteret. Propheta Sareptam urbem haud procul à Sidone contendit, vt quam longissime ab Achabi abesset scelere. Mox grauissima intemperie cœli, Helias à Rege requisitus, repertusque in Carmelo. Achabo & multis videntibus, ad coarguendam alieni ritus stultitiam, sacerdotes quos alienis diis Achabus & vxor sacrarant, trucidauit. Achabo etiam Regi futurum prædixit, vt ipse cum tota progenie non multo post graues esset expensurus pœnas, ob crudelissimam Nabothi iusti viri cædem, quem Iezebel vxor sub falso crimine populo necandum obiecisset, vt eius prædiis potiretur. Tali oraculo monitus Achabus consternatus saccum induit, humique miserabili modo afflictus veniam precari, qui quum aliquandiu in hoc luctu & mœrore fuisset, iterum Prophetæ voce iussus est bene sperare; eleuatus ergo pœnæ metu, haud multo interiecto tempore, difficili bello petitus est ab Adado Syriæ & Damasci Rege. Pressus iam dudum obsidione, & fide qualicunque, quam legatis dederat, liberatus, conuertit se ad arma. Et quum minacissima hostis adnunciaret, hostiliterque moneret, ne pergeret cum tam numeroso

R. 4 exerci-



exercitu congregari: Nam si singuli terra glebulam in cœnibus admoueant, momento temporis euenturum, vt murorum vestigia aduersis æquarentur aggeribus: Propheta tamen voce & oraculo fretus, centum & triginta ex omni iuuentute lectos ex propinquo iubet hostium castra diligenter explorare. Quo facto breui post concursum est ab Israelitis & Syriis, vbi Syrii victi ad centum millia hominum & amplius amiserunt. Syriæ Rex Adadus, fide prius accepta, ad Achabum victorem venit, a quo suppliciter ad pedes prostrato adorari se Samaritanus rex non passus est, sed in curru suum, honorifice appellauit, sublatum, multisq; muneribus donatum incolumem domum remisit, qua beneficentia Syrus provocatus, omnia quæ sui maiores Israelitis bello ademant, se Achabo redditurum est pollicitus, & cum his Damascum urbem clarissimam. Fuit ea victoria Achabo minus læta, ob ea quæ ex oraculo acceperat. Michæas ad eum Propheta venit, haud dubie affirmans futurum, vt ab hoste immanissimo quem ipse sua stultitia seruasset, aliquando interficiatur.

Ea voce vehementer turbatus Achabus, Micheam custodiri iussit, simulque in Samariam prædicti vaticinii timens exitum cum exercitu victore reuersus est. Sed inuitabile fatum mutari non potuit. Nam Iosaphato Rege Iudæ, vt auxilium ferret, implorato, decreuit,

Rama-

Ramathum urbem in Galaaditide sitam, quam maiores sui tenuissent, nec sibi restitutam, armis repetere. Collatis itaque castris, placuit priusquam in aciem descenderent (nam & Adadus Rex Syriæ maximo cum exercitu obuiam processerat) Numinis voluntatem sciscitari. Habebat prophetarum Achabus prope se numerosum cælum quibus in medium accessitis cum omnes victoriam affirmarent portendi, præter vnicum Micheam, qui carcere extractus diuersum dixit, sed Achabus suis plus fidei, quam vero Prophetæ habens, in aciem copias eduxit. Pugnae exitus declarauit Micheam vera locutum Achabus ne facile agnosceretur, gregarii militis habitu pugnam ingressus. Intunxerat enim Syrus, ut in solum Regem Israelitarum, si fieri posset, impetum facerent. Sic satis ingratus fuit Adadus in Samaritanum, à quo tertio ante anno vitam incolumem cum donis amplissimis acceperat. Commisso igitur prælio, fatalis necessitas Achabum in eum pertraxit locum, ubi pro tyrannidis & impietatis suæ supplicio, sagitta ab hoste immissa læthiferum accepit vulnus. inter pulmonem & stomachum, traxit tamen aliquandiu pugnam, verum inclinâte die, quum assiduo fluuio sanguinis consistere amplius non posset, aliquanto prius, quam animam efflaret, pugna excessit, deinde prælio in noctem exacto, ubi primùm Achabi casus rumoribus euulgatus est. Israeli-

R. 5      ta fu-



tæ fuga dilapsi in pacatum concesserunt. Regium corpus Samariæ est sepulchro datum, mortui cruorem ( quod multo ante Helias prædixerat ) circa Isaiam Samariæ fontem, vbi Achabi currus est abstersus, lixerunt canes. Continebatur Isora Nabothæi agri finibus. Viginti duos annos functus Regis officio inter Israelitas, quo ne vno quidem mense dignus fuit.

DE ACHABO,  
EPIGRAMMA,

*Achabus cultor statuarum, filius Amri  
Percoluit Badum, peruectitq; Deos.  
Ille suos cines oppressit iure repulso,  
Illis vi rapuit prædia tentæ diu,  
Assyrium bello cœpit, sed viuere regem  
Permisit, postquam supplicium ille dedit.  
Is conseruat cui vitam, rursus ab illo  
Denictus perit, suppliciumq; tulit.  
Bello defuncti fusum lixere cruorem  
Turba canum. Vates dixit, ut illa Dei*

DE MANVENE, VIII. TY-  
ranno.

**M**Anuehnes filius Gaddi Therites, primo copiarum præfectis, sed audita regis  
lu;

sui Zachariæ cæde, non modico exercitu occurrens victum Sellum tyrannum interfecit, tum Rex creatus, cum omnes ciuitates parent, excepta Thapsa, quæ ciuitas sola venienti portas clausit; tulit iniquo animo, & urbem infesta oppugnatione aggressus, cum breui cepisset, hostiliter diripuit, vt vnus ciuitatis excidio doceret, ne quid tale in se auderent, reliquæ in omnem sexum & ætatem ferrum immisit omnes etiam, in ea vrbe vxores prægnantes, inaudita prius inter illos Reges feritate interfecit & dissecuit. Phuli Regi Assyriorum mille talenta argenti largitus est, ne fines imperii, hostili exercitu conturbaret, ac totidem deinceps quotannis stipendiû loco numerare, adhæc auxiliares copias mittere, quibus aduersus Medos vteretur, pollicitus est, adeoque subditos suos tributis & exactionibus in immensam grauauit. Decem annis auare & immaniter Samariæ regnauit, vbi fato defunctus, Phaceiæ filio regnum tradidit.

## DE MANVENE,

## EPIGRAMMA,

*Deiſta inſit prægnantes vrbe ſecari  
Ille tyrannorum, crede tyrannus erat.*

DE



DE SENNACHERIBO RE-  
ge Assyriorum, IX. ty-  
ranno.

Sennacheribus Assyriorum Imperator, sed  
Somnis pietatis, religionis & diuinorum i-  
urum cōtempтор improbissimus, acri bello E-  
zechiam piū regem petiit, causam fuisse cre-  
dere par est, tribu um Assyrio nega um, que  
tantam belli procellam concitauit. Manissi-  
mis regni Iudaici vrbibus, oppidis & castellis  
partim metu, partim deditio ne vi captis, con-  
tendit ad Hierosolymam expugnandum. Ve-  
rum cum Ezechias suppliciter ad Deum ora-  
set, castra ab vrbe amota sunt soluta obsidione  
trecentis argenti talentis & triginta auri nu-  
meratis. Sennacheribus vltro pollicitus paratū  
se fines regni Hierosolymitani excessurum.  
Soluta igitur pecunie iumma verso in Egy-  
ptios & Ethopes bello, nihilominus partem  
copiarum ad regia vrbis obsidionem conti-  
nuandam reliquit. Habuit hoc in exercitu im-  
probissimos nebulones, qui plurimas blasphemias  
in Numen coniecerant. Præterea & ipse  
Sennacheribus impius & plane atheus fuit. Li-  
teras scripsit ad Ezechiam Regem plenas in  
Deū contumelias, quasi nullus esset Deus quā  
Assyriorum, neq; vllus alius sibi aduersari, aut  
illos, pter se, eripere posset. Cæterū vt omnes  
impii promeritas solent dare, hic tempora-  
les,

Ies, & in futura vita æternos pœnas dedit. Sic etiã Sennacheribus punitus est. Confusus enim Diis suis nullosque præter suos esse ratus, deim plurimis conuitiis Numen incessens, vnica nocte per angelum Domini peste centum octoginta quinque millia percutientem amisit, inter quos etiam Rabfases, tribunus militum insolentissimus ac conuitiator in Deum audacissimus mortuus inuentus fuit. In Ægypto quoque non minus infeliciter belligerans. Ninum itaque urbem imperialem maxima reuersus cum ignominia, & suorum clade cõsternatus, ad reparandum numinum fauorem, superstitione crudeli, duos paruos filios immolauit, ideoque à duobus natu maioribus Adramelech & Sareffare inter sacra immanissima, ferro transfossus est: anno regni Ezechix decimo quarto, sui imperii septimo.

## DE SENNACHERIBO,

## EPIGRAMMA,

*Ritus diuinos contempsit, Numen & ipsum,  
Nec fas nec iustum, nec pia iuratimens  
A propriis casus natis, dum templa petiuit.  
Vt coleret trunci lignea signa Dei.*

DE



DE NABVCHODONO-  
fore, X. tyranno,

**N**abuchodonosorus princeps Babylonio-  
rum, hunc sacri libri regem fuisse aiunt  
acri ingenio, ad bellum magis quam ad otium  
natum. Mouit in Nechonem Regem Aegy-  
ptiorum bellum, sub cuius Imperio tum tota  
Syria erat, & vicinillum, vt magnam exercitus  
partem amitteret. Victor igitur omnem Sy-  
riam ad Pelusium vsque præter Iudæam armis  
subegit, vt testatur Iosephus. Quarto deinde  
quam hæc gesta sunt anno. Iudæos graui bello  
petiit, omnem florem iuuentutis cum ipso  
Rege militibus immixtis Hierosolymam iu-  
gulauit, corpus extra muros insepultum ab-  
iecit.

Demum Regis filio, qui eodem fuit quo  
pater nomine, Ioachimo, regni administra-  
tione permiffa, triginta hominum millibus  
ex omni multitudine Hierosolymitana secum  
abductis exercitum in Assyriam reduxit. Sed  
ne iuueni quidem regnum diu incolume fuit.  
Parum enim fidelem suspicatus Nabuchodo-  
nosor eum fore cuius patrem insepultum ab-  
ieciisset; Tertio post mense, quo Babylonem  
venerat nouum exercitum sub præfectis in Pa-  
læstinam misit. Tum nouo terrore percul-  
sus, inopsque consilii Ioachimus iunior, ne  
recentiore aliqua clade hostis ciuitatem affi-  
ceret,

eret; vltro in eius fidem concessit. Ille vt  
 pollicitus erat; vrbem pacate est ingressus,  
 mox Ioachum cum matre & necessariis om-  
 nibus, præter Sedechiam eius patruum  
 quem Regem constituit, Babylonem traduxit,  
 cum hoc transtulit opifices, & quincun-  
 que militiæ erant Idonei. Mansit Sedechias  
 octo annis in Nabuchodonosoris fœdere, ve-  
 rum deficientem cepit illum cum liberis & v-  
 xoribus, & ob ingratitude vitium mox filios  
 eiusque amicos coram interfici iussit, ipsam-  
 que iniectis carenis luminibus priuauit, Baby-  
 lonemque ad perpetuos cruciatus dimisit.  
 Tulit etiam è domo Domini vasa & thesauros  
 in Babylonem, maximæ homo fuit crudelita-  
 tis, Dei contemptor vanissimus. Iuuenes  
 tres erectam quandam ex auro statuam ad-  
 rare nolentes in fornacem ardentissimam con-  
 iecit, videns autem illæsos & integros mane-  
 re, Numen verum esse credidit. Blasphemantem  
 Dominum, Danielis historia testatur, propter  
 impietatem in bouinam naturam permutatum,  
 fœnum instar bouum comedis-  
 se, rore cœli corpus infectum adeoque cœli  
 tempestatibus sub dio obnoxium fuisse atque  
 capillos & vngues supra humanam naturam  
 excreuisse. Capilli enim eius, vt iubar leonum  
 & digitorum extrema, vt aquilarum vngues  
 creuerunt, cū & ipse mente atq; sensu, animante  
 bruto nihilo esset sanior, nimirū vt belluarū  
 refer-



referret similitudinem pœna, qui multarum  
 fuisset similis moribus & consuetudine. Ad fa-  
 nitatem post annos septem rediens, in solium  
 regium rursus collocatus, post id tempus ani-  
 mo humili gratoque Deum coluit, & eius bo-  
 nitatem admirabilem suis edictis prædicauit.  
 Miracula tot ac tanta vidit atque expertus est,  
 quanta post Pharaonem Bulyim, nemo alius  
 regum exterorum omnium, omnibus tempori-  
 bus Iosephus Berosam secutus; duos ait Ba-  
 bylonis reges vno nomine appellatos, patrem  
 qui Ioachimum cum vxore & liberis sponte  
 deditum in Assyriam traduxit, quique Sede-  
 chiam constituit regem, & alterum iuniorem,  
 qui huic successit, à quo Sedechias excœcatus  
 fertur.

DE NABVCHODONO-  
 fore,

EPIGRAMMA.

*Impietatis amans hostis tum religionis  
 Contemptor summi celsa per astra Dei.  
 Crudeli bello Iudeos pressit, & ipsum  
 Regem insepultum mœnibus ille tulit.  
 Supplicium sceleris commissi à Numine passus,  
 Donec cen verum nosceret ille Deum.*

DE

DE HOLOFERNE,  
XI. tyranno.

**H**olofernes princeps militiae Regis Nabuchodonosoris Assyriorum, vir & multa exercitatus militia, ita parum religiosus, & Dei contemptor acerrimus. Depopulatus est insu Regis Assyriorum, omnem plagam occidentalem, in exercitu suo habuit centum viginti millia peditum & equites sagittarios duodecim millia, fortia quidem gessit praelia, sed eius crudelitas fortitudinem ita obfuscat, vt potius tyrannus quam fortis nuncupandus sit. Primo urbem Melothi expugnauit, deinde Tharsin & filios Hismaelis deuastauit. Mox transiens Euphratem, perrexit in Mesopotamiam, & omnes ciuitates munitissimas a torrente Manre, vsque ad mare diripuit, filiosque Madian cum omnibus facultatibus spoliauit, ac rebellantes crudeliter gladio confecit: Segetes Damascenorum maturas tempore messis succendit, omnibusque arboribus & vineis succensis, atque recisis, direxit iter ad Reges, & Principes Syriae, Ciliciae, atque Mesopotamiae, Qui vt ditionem seruarent illae fam, ab eo pacem orauerunt, seque cum omnibus possessionibus eius Imperio subiecerunt. Holofernes autem supplicantes parui faciens, omnes munitas vrbes confringere, dein lucos & vineas radicitus extirpare, tantumque metum

S incu-



incutere prouinciis, vt multi principes cum subditis illi obuiam tympanis & choris ad demulcendum tyrannicum animum procederent, verum immotus permanfit: Nam ea faintia perrexit, ac omnes Deos terrarum deuitarum destruxit, vt Nabuchodonoforus foles imperio velut Deus coleretur, vt ceteri ab eo deuicti dicerentur. Tandem peragrata Mefopotamia, aliifque prouinciis, diuertit ad Idumaeos in Gabaa, & alias Regiones, omnefque ibi fimiliter cepit & euertit, vrbes. Quod Ifraelitae percipientes, montium meatus ac recessus obfederunt, clamantes ad Dominum, precibus & ieiunio indictis, ne Hierofolymam subuerfarus adueniret. Hoc audito Holofernes grauiffime ad iracundiam commotus est. Vnde sciscitatus ex Ammonitarum Duce Achiore, quis nam populus iste, qui solus ex tot & tantis rebellis inueniretur. Cui Achior, Hebraeos esse, populum numini acceptiffimum, si pietate & vera perseueraret religione, neque quenquam illis propter Numinis tutelam aduersari posse. Sin vero irritassent Deum, facile ab inimicis capi, & grauiffime puniri. Tum indignatus Holofernes, quod alium praeter sui Regis Deum constitueret, recta ipsum victum in Israelitarum fines ad cruciandum dimisit. Ipse vero cum omnibus copiis versus Bethulia, vt expugnaret, profectus est, vbi innumerabili exercitu castrametatus est, peditum habens

centum

centum viginti millia, & equites viginti duo millia, demptis his, quos præsidio in captiuis reliquerat vrbibus, Bethuliani primo numerosissimam multitudinem conspicati Domini implorauerunt auxilium, deinde montium obsederunt angustias, ne facile per eos diuertere liceret. Holofernes certior factus de stragemate Hebræorum, aliud præmeditatus, fontium cauernas præsidio militari, ne ququam Hebrææ gentis aquam hauriret, muniuit. Quæ res plurimum metus incussit Iudæis, nam Bethuliani eo vsque vrgebantur, vt de vrbis conseruatione & salute desperarent penitus. Interea tali cõditione summates vrbis deditionem remorati, nisi quinque diebus liberarètur, futurum, vt statim vrbem cum omnib. offerrent Holofernisi imperio. Cæterum sicuti hæctenus vidimus, omnes tyrannos sinistro periisse fato, ita & hic euenit. Nam Iudith vidua Bethuliana morum integritate & pudicitia celebris, apud multos fœmina, simulauit, quasi eius caperetur amore, atque sic coactam partim amore, partim excidio, quod immineret patriæ, ad eius confugisset tentoria. Credit tecto dolo muliebri Holofernes incensus ardentissimo amore, secum illam retinuit, quæ vt impetrauerat liberum & egressum & ingressum apud Tyrannum, nocte quadam Holofernem temulentum, & vino quã plurimo obrutum, deinde cæco captum amore in tentorio



torio suo dormientem acinace Holofernis interfecit, ac caput abscissum ad luos per castra hostilia retulit. Bethuliani Numen magnis prædicantes laudibus, & ferream fortitudinē, demirati; Summo mane Holofernis caput cōto affixū de mœnib. Bethulix suspenderunt, & recta hostes insecuti sunt, ingenti tumultu & clamore. Quapropter duce non inuento in castris, sed corpus sine capite, fugam omnes Assyrii maxima dederunt, cum ignominia. Ast Iudæi quousque potuerunt, illos insecuti sunt. Hoc igitur pacto superbissimus ille tyrannus, & improbissimus Dei contēptor, vilis mulierculæ manu, acinace proprio, ne tam superbum prodigium vel hanc suæ mortis relinqueret famam, quod viri alicuius telo gladiove in armis aut prælio cecidisset, obtruncatus est.

## DE HOLOFERNE,

## EPIGRAMMA.

*Militia princeps Holofernes Assyriorum  
Forti confecit prælia multa manu.  
Sed fuit, ut fortis ductor, sic impius orbe,  
Rectum neglexit, numina nec coluit.  
Quem non mille virum poterat comescere, vili  
Famina confecit calliditate sua.  
Omnes sic merita plectantur Numine pœna  
Crudeles hostes monstrag, militia*

DE

DE ANTHIOCHO XII.  
tyranno.

**A**Ntiochus Rex Antiochia, insatiabilis ty-  
rannidis, in Iudæos plurimum exercuit  
crudelitatis. Nam ad esum carniū suillarum  
illos extremo supplicio ac durissimis cruciati-  
bus coegit. quos tamen haud pauci subire, quā  
ipsum mandato parere, maluerunt. Inter alios  
Eleazarum senem quendam Iudæum tormen-  
tis & variis pœnis affectit, quem tamen, ut pa-  
trias negaret leges, mouere minime potuit. Se-  
ptem deinde fratres yna cum matre apprehē-  
sos coram suo conspectu contra leges patrias  
vesci carnibus suillis cogere nixus est, flagis  
horrendis. Cumque omnes mira constantia in  
pietate patria perseverare vidisset, ordine iussit  
tandem cū matre diris cruciari suppliciis, atq;  
sartaginibus, ac æneis ollis succensis eos capitis  
cure abstracta, deinde summitatibus manuum  
& pedum succis, assauit, ac letho dedit. Ag-  
gressus est pollicitationibus, ut ab instituto di-  
moueret, verum nihil effecit. Cæterū, sicut &  
ille in pietatis sæuiri cultores, ita cōtra pessimo  
interiit cruciatu. Nam inhonesta & maxima  
quadam cum ignominia cum ex Perside re-  
uerteretur, commotus propter fugam iracun-  
dia, cogitauit, in Iudæos iniuriam acceptam re-  
torquere. Itaque dirigens iter versus Iudæos,  
cepit insanabili & viibili plaga laborare. Per-



cussus enim à Domino, quod se venturum Hierosolymam, & in sepulchra, Iudæorum urbem conuersurum iactitauerat. Nam confestim his dictis dolor viscerum acerbissimus illum inuasit, nec indigne, quippe qui multis, & nouis tormentorum generibus aliorum torserat viscera, idem & à numine grauibus verberandus plagis.

Post diurnos vero dolores, is qui fluctibus marinis se imperaturum, & montium altitudinem in stratera disquisiturum superbe gloriatus erat, Numinis virtute sic correptus est, vt in eius corpore vermes scaturirent, ac viuentis sordido fœtore corpus deuorarent. Tandem crudelis homicida & improbissimus Dei contemptor miserabili fato defunctus est. Et si vero Numen apertis sæpe blasphemis affecit, attamen ingenti dolore & fœtoris impatientia fractus, ante obitum iustum esse Deum dixerat. Huic soli seruiendam nec alium colendum esse. Desperata etiam omni salute ad Iudæos Epistolam conscripsit, qua precatus, vt flagitia commissa ignoscerent.

## DE ANTIOCHO TY-

ranno,

EPIGRAMMA,

*Ritibus à patriis voluit seducere multos  
Iudæos, pœnas intulit atq; graues.*

*Assa-*

*Affuit septem fratres cum matre pudica*

*Ollis ignitis, supplicioq; nouo.*

*Defunctus misere, nam vermes ilia ventris*

*Omi roserunt, sic luit ille scelus.*

S 4 DVO

